

N. 102

Uusi Suomalainen



1887

N^o 10.2 i

Zugstos & Wickland Dilligjopline



Rippa-rokkadusak,

asatuvvum gonagalaš asatusa bokte
dam 2^{bbe} desember 1886.

I.

Hærra Jesus, mu bæstam, don,
gutte du basse sanad siste læk cælk-
kam buok gattavaš suddolažaidi du
armod ja askalmastemad, mon var-
notes suddogasboadám dal losidat-
tjuvvum oamedovdoin du lusa ja
dovdastam dudnji mu suddoidam,
mak læk ænebuk go guolgak mu
oaivest, ja rokkadalam čiegnalamus
vuollegašvuodain: Rakis Hærra
Jesus, čoavde muo buok mu suddoin
luovos ja ale jurdaš šatain dai ala
agalaš aiggai, basa mu suddolaš
sielo du basse varainad! ja adde muo
armo gavdnat du muođoidad ou-

dast! Ja nuftgo mon dal du basse nammi, du halvvalægjad gieđa bokte datom addet ječčam čovdujuvvut buok mu suddoinam, de rokkadalam mon čiegnalamus vuollegašvuodain: Læge don ješ du halvvalægjad sane mielde ja cælke ješ du basse ja famolaš amenad, ja divte munji šaddat, atte mu oamedovddo buttestuvvu, mu siello jeđđijuvvu, ja atte mon ješ boadám arbmoi du oudast. Dam addašik don munji, Hærra Jesus, mu bæste, du divras varad diti.

II.

O Hærra, basse Ibmel, gæca armoin' munji ja čajet munji vaibmoladesvuoda! Dastgo mon ferttim dovdastet du muodoi oudast, atte mon læm suddodam saggarakkan ja mangagærdasažat du vuostai sikke olgoldasbaha dagoiguim, mairguim mon maidai olmui oudast læm hæppašuttam du basse nama,

ja vela æmbo siskaldas, mielderie-
gadam čuovgatesvuodain, æpeos-
koin, æpadusain, dorvotesvuodain,
gierddamættomvuodain, ješrakis-
vuodain, buttesmættom haloin, ga-
đasvuodain ja æra daggarlagaš ib-
melmættom mænoin, maid don,
Hærra Ibmel, oainak mu lutte sagga
buorebut go mon ješ satam. O
Hærra mon gadam mu suddoidam
ja dat dakka munji vaimolaš bakča-
sa, go mon nuft læm bagjelduolb-
mam du bakkomid ja moraštattam
du buore Bassevuoiņa ja duolvva-
dam mu oamedovddom. Mutto mon
oskom, atte Jesus Kristus, duotta
ibmel ja olmai læ havvadattum
maidai mu bagjelduobmami diti ja
cuvkkijuvvum mu værredagoi diti,
ja atte rangaštus oroi su alde vai
mon anašim rafe, ja atte dalkas læ
munji su havi siste. Jesus diti sæste
muo ja ale rangašt muo, nuftgo mon
læm ansašam! Jesus diti adde
munji buok mu suddoid andagassi!
Divte muo gallat sane dust buok mu

suddoi armolaš andagassi adduju-
me birra, ja ladde mu dam askot ja
dam adnet mu vaibmom siste aga-
laš jedditussan! Ođasmatte bissovaš
vuoigna mu siste ja čale du bakko-
midad mu vaimo sisa, amam mon
šat æmbo suddodet du vuostai,
mutto vai mon balvvalifčim du mu
vaibmom halidusa mielde basse-
vuođa ja vanhurskesvuođa siste
buok mu ællem beividam. Hærra,
armet mu bagjeli! Amen.

III.

O Hærra Ibmel, mu bestujume
Ibmel, mon čuorvom dudnji čieg-
ņalasast: Adde andagassi, adde
munji boek mu suddoid andagassi!
Dastgo du vuoigna muitot muo ja
mu vaibmo guoddal muo ja mon
ferttim bakkodet ja cælkket gatta-
mušain ja hæppašemin: Mon læm
suddodam du vuostai, mu Ibmelam,
imge læk dokkalaš goččujuvvut du
mannan: Mon galgašim rakistet du

obba vaimostam, sielostam ja mielastam, mutto don læk gavdnam mu lutte æmbo hæpadlaš æpeoskost ja æpegulolašvuodast ja halidusast ječčam gudne maŋŋai, maid don vašotak. Mon galgašim rakistet mu lagamužžam nuftgo ješ ječčam, mutto mon læmlæmaš loikas rakisvuoda siste ja manga gærde vela bavčagattam ja vahagattam mu vielljam, gutte læ lonestuvvum Kristususa divras varai bokte. O, go mon muittam buok mu suddom, de suorgganišgoatta mu vaibmo: Jos don datok rievte ouddi mannat muina, de im mon mate vastedet ovtage sane duhat vuostai, jos don datok logatallat bagjelduolbmamid, Hærra, gi matta dalle bissot? Mutto im mon dieđe gudēge æra lusa mannat go du lusa mu bestujubmam lbmel. Mon boadām, dainago mon læm gullam du audogas evangelium ja rokkadalam du: Armet mu bagjeli! Ale muite mu suddoid mutto du arkalmastemad Kristus

siste! Mon læm dievva suddost ja buttesmættomvuodast, mutto son læ guoddam buok mu suddoid, mon læm ašalaš rangaštussi ja duobmoi, mutto son læ gillam rangaštusa, ja duobmo læ boattam su bagjeli. Divte su ansašæme boattet munji buorren, garvot mu varnotes sud-dolaža su vanhurskesvutti ja cælke munji su diti: Læge arvok, du sud-dok læk dudnji andagassi addujuv-vum! Ja gievrasmatte mu vaibbam sielo du Bassevuoinad bokte, vai mon matam oskot sane, maid mon gulam ja vurkkit dam vaibmosam nuftgo du sane munji, ja oažžot jedditusa ja rafhe dast ja agalažat maidnot du, dainago don læk sagga arvas andagassi addet sigjidi, gu-đek jorggalek ječaidæsek du lusa.

O Hærra Ibmel, adde munji mu ædnag suddoid andagassi, vai mon matam rakistet du saggarakkan ja juokke lakai mænnotet rakisvuoda siste. Adde muo mu vaibmon dat-tomuša ja halidusa mielde eritjab-

met buok suddolaš mænnoðæmest
ja vagjolet du čalmi oudast buttes-
vuoða ja vanhurskesvuoða siste!
Væket muo dam suddo vuostai, mi
læ munji bahamus, ja adde munji
njuoras oamedovdo buok dingai
siste, dastgo mon diedam, atte du
lutte læ andagassi addem, vai ol-
muš galgga dust ballat. O Hærra,
arvosmatte mu sielo ja daga muo
bassen, gievrnan ja ilolažžan! Val-
de must erit buok, mi ærota mu
Jesus njalgga særvvevuodast sa-
kramenta siste, ja adde muo varno-
tes, dokkalašmættom suddolaža
bissot su siste ja su mu siste agalaš
ællemi. Hærra, armet mu bagjeli!
Amen.

Dat oudalnamatuvvum gonagaslaš asatus dam
2^{bbe} desember 1886 asat čuovvovaš lase ja nubbastus
rippadovdastus lađe dafhost.

„1. Rippasarne loapa maŋŋel cælkka pappa rippa-
olbmuidi:

„Dovdastekop mi min soddoi-
dæmek Ibmeli ja rokkadallop!“

Dasto bajaslokka son ovta dain dast prente-

duvvum ripparokkadusain (guđemuža son ješ datto) ja de cælkka son rippa-olbmuidi:

„Cælkket buokak vaimostædek
dasa Amen!

Rippa-olbmuk vastedek:

„Amen!“

Dastmaŋnel cælkka pappa:

„De lodaidesteket dal ouddan
Hærra altar ouddi ja vuostai-
valddet daggar din dovdastusa
ala buok din suddoidædek anda-
gassi celkkujume“.

Go rippa-olbmuk dal luoitadek äibbidæsek
ala altar birra, cælkka pappa:

„Ibmel ja mu basse amatam
bælest cælkam mon dudnji“ j. n. v.

nuftgo dalain lavve cælkket.

Dat asatus boatta fabmosis ođđajage rajest
1887.

2. De læ maidai vuttivalddemest muttom erinoamaš mænnođæbme altari-mannam dafhost, nama-lassi, atte altar-gusin maidai læ loppe, go si aige bale jæča gaibedek dam papast, oažžot vuostaivalddet basse mallasid alma vuost dagakættai rippadovdastusa, ja alma vuostaivaldekættai suddoi andagassi celkkujume.



Lappomica 929.

n ješ

dek

dan

tai-

lusa

da-

dæsek

tam

j. n. v.

rajest

rinoa-

nama-

go si

ažžot

da ga-

valde-

